

A Área de Cultura, Turismo e Promoción da Lingua do Concello de Lugo, conforme ás competencias establecidas no Art. 25 da Lei 7/1985, de 2 de abril, reguladora das Bases de Réxime Local, co fin de elixir o cartel anunciador das festas patronais de San Froilán, convoca anualmente o PREMIO DE DESEÑO GRÁFICO "SAN FROILÁN MIÚDO", de acordo coas seguintes

BASES:

1ª.- Poderán concorrer cantos rapaces e rapazas o desexen, menores de 15 anos, con traballos de técnica libre, presentando cadaquén cantas obras considere oportunas, sendo condición indispensable que as obras sexan orixinais, obrigándose a retiralas no caso de que obtivesen algún premio ou galardón para esa mesma obra con carácter previo.

2ª.- Os deseños contribuirán a enxalzar a cidade de Lugo e súas festas patronais de San Froilán. Deberán incluír o texto: LUGO, SAN FROILÁN MIÚDO 2024.

3ª.- O autor ou autora do deseño que resulte gañador recibirá un premio consistente en material de pintura, valorado en 300 €.

4ª.- O cartel seleccionado quedará en poder do Concello de Lugo, que poderá reproducilo no tempo e maneira que estime oportunos.

O cartel gañador será propiedade do Concello, que poderá cedelo a terceiros. A autora ou autor renuncia a todos os dereitos de explotación, só conservará os dereitos de autoría para incluílo no seu currículo.

5ª. - A entrega de traballos poderá facerse desde a convocatoria ata o mércores 19 de xuño de 2024 en formato impreso ou dixital JPG, cunhas dimensións dun DIN A-4 (21 x 29,7 cm) e/ou con 72 ppp de resolución (1417x1984 píxeles). Non se admitirán obras enviadas pasado ese día.

Poden presentarse:

- Persoalmente nas dependencias de Cultura, Turismo e Promoción da Lingua.
- Por correo postal certificado dirixido á Área de Cultura, Turismo e Promoción da Lingua, praza Maior 1, 27001 Lugo (neste caso, será necesario que envíe unha copia escaneada da folla de envío de Correos á conta de correo-e cultura@lugo.gal o día que se realice o envío).
- Por correo electrónico ao enderezo cultura@lugo.gal, indicando CARTEL SAN FROILÁN MIÚDO 2024.

SERVIZO DE CULTURA, TURISMO E PROMOCIÓN DA LINGUA

XMCR/crb

Refª: Bases cartel SFMIUDO24

Asunto: Bases concurso carteis San Froilan Miudo 2024

- No Rexistro Xeral do Excmo. Concello de Lugo (Rolda da Muralla, 197, 27002 Lugo), en horario das 9 ás 14 horas (de luns a venres) ou enviadas por calquera outro medio dos indicados no artigo 16 da Lei 39/2015, de 1 de outubro, do Procedemento Administrativo Común das Administracións Públicas (LPACAP).

6ª.- Os traballos deberán ser presentados de xeito anónimo, identificándoos cun lema.

En documentos á parte do cartel, acompañará:

1. Plica, identificada co mesmo lema có cartel, que conterá todos os datos persoais da autora ou autor: nome, apelidos, idade, enderezo completo, correo-e da nai ou do pai e teléfono.
2. Copia escaneada do DNI ou equivalente.
3. Copia escaneada da declaración xurada que figura no anexo I destas bases. É necesario que este documento estea asinado.

Co obxecto de preservar a identidade dos autores durante o proceso de deliberación, estes documentos identificativos non serán enviados ao Xurado, sendo custodiados polo persoal do Servizo de Cultura, que con posterioridade ao ditame incorporará os datos da persoa gañadora na resolución adoptada polo órgano competente.

A organización resérvase o dereito de exclusión das obras nos seguintes casos:

- Cando se incumpran un ou varios puntos destas bases.
- Cando a participación se faga empregando datos falsos ou haxa indicios de que o son, se a persoa non verifica os seus datos no prazo outorgado.
- Cando os carteis presentados non se axusten ao tema do concurso.
- Cando utilicen a imaxe da muller como reclamo e con connotacións de tipo sexual ou a denigración da súa imaxe, así como calquera outros que atenten contra a dignidade das persoas.

A relación de obras presentadas a concurso, identificadas polo seu lema, será publicada no Taboleiro de Anuncios do Concello, indicando no seu caso as admitidas e excluídas, así coma as súas causas, e os prazos de subsanación conforme ao artigo 68 da LPACAP.

7ª.- Os carteis impresos terán as dimensións dun DIN A-4 (21 x 29,7 cm) como mínimo, e deberán entregarse montados sobre cartón pluma ou soporte ríxido. Non se admitirán os presentados con cristal. No caso de arquivos dixitais, a gañadora ou gañador deberalle facilitar ao Concello, nos prazos que este indique, o arquivo orixinal por capas para a promoción, comunicación e sinalización do evento.

8ª.- As obras presentadas someteranse á decisión do xurado.

9ª.- O xurado estará integrado por 3 vogais con voz e voto, sendo presidido pola Ima. Tenenta de Alcaldesa Delegada da Área de Cultura, Turismo e Promoción da

Lingua ou persoa en quen delegue e asistida por persoal do Servizo de Cultura en funcións de secretaría, ambos sen voz nin voto.

As ou os vogais serán designados pola Área de Cultura, Turismo e Promoción da Lingua e serán persoas de recoñecido prestixio e vinculadas coa ilustración, o deseño gráfico e/ou sectores relevantes do eido da cultura, o turismo e da propia celebración da festa do San Froilán, sendo nomeados con carácter previo á celebración do concurso mediante resolución que será publicada no Taboleiro de Anuncios do Concello, xunto coa data na que se dará a coñecer o seu ditame.

10ª. - O xurado será o encargado de propoñer a obra gañadora, que se recollerá na resolución do órgano competente.

11ª. - Criterios: O xurado pode propoñer declarar desertos os premios no caso de que, ao seu xuízo, non se acade unha calidade mínima nas propostas presentadas. A decisión do xurado axustarase, entre outros, aos seguintes criterios:

- Deseño e composición estética.
- Orixinalidade.
- Creatividade
- Calidade.

12ª.- As persoas participantes someteranse á decisión do xurado, que resolverá sobre calquera dúbida non prevista nestas bases. No caso de facerse unha entrega pública, a gañadora ou gañador do certame comprométese a recoller persoalmente o premio ou facerse representar debidamente no acto.

13ª.- As persoas participantes responsabilízanse totalmente de que non existen dereitos de terceiros nas obras presentadas.

14ª. - Os carteis premiados quedarán en propiedade e uso exclusivo do Concello de Lugo. As e os autores cederanlle á institución os dereitos totais de exhibición e reprodución das obras premiadas.

15ª. - As persoas gañadoras dan o seu consentimento para que o seu nome apareza nos materiais informativos e promocionais, xa sexan impresos ou dixitais do Concello de Lugo. Co fin de poder levar a cabo cantas accións promocionais e de difusión do concurso que considere necesarias a organización, todas as persoas participantes cederanlle ao Concello de Lugo, con carácter gratuíto, os dereitos de reprodución e comunicación pública das obras presentadas ao concurso. A cesión dos dereitos permitiralle ao Concello de Lugo transformar as obras tecnicamente na medida en que será necesaria para adecualas ao formato, imaxe ou aparencia de Internet ou calquera outra tecnoloxía susceptible de adscrición a Internet, así como a reproducilas nos soportes físicos que se consideren convenientes.

SERVIZO DE CULTURA, TURISMO E PROMOCIÓN DA LINGUA

XMCR/crb

Refª: Bases cartel SFMIUDO24

Asunto: Bases concurso carteis San Froilan Miudo 2024

16ª. - Publicidade: Estas bases publicaranse no Boletín Oficial da provincia de Lugo, na páxina web do Concello de Lugo (<http://concellodelugo.gal>), nas redes sociais desta Área e na Base de Datos Nacional de Subvencións (BDNS) conforme ao disposto no artigo 18 da lei 38/2003, do 17 de novembro, xeral de subvencións.

17ª.- O simple feito da presentación ao concurso supón a plena aceptación destas bases.

ANEXO I
DECLARACIÓN XURADA PATERNA/MATERNA /TITOR/A
CONCURSO CARTEL SAN FROILÁN MIÚDO 2024
CONCELLO DE LUGO

Dona/Don.....,
con DNI..... como nai/pai/titora/titor da autora ou autor da/s obra/s
titulada/s:.....
.....

DECLARO

Que o cartel ou carteis presentados ao concurso son inéditos e da autoría da ou do menor ao que represento.

Que non recibiron outros premios ou distincións pola participación noutros concursos de similares características, obrigándome á súa comunicación e retirada no caso de obter algún premio ou galardón para esa mesma obra con carácter previo á resolución deste concurso.

Que a quen represento é a única persoa titular dos dereitos de autoría do cartel e que me fago responsable de calquera tipo de reclamación e eximo ao Concello de Lugo da devandita responsabilidade.

..... de de 2024

NAI/PAI/TITORA/TITOR"